

拜石山房詞鈔

拜石山房詞鈔卷三

無錫顧翰萊塘著

仁和許增邁孫棐

湘春夜月

爲楊蘿裳表丈題雙美聽秋圖

正秋晴秋煙都化空明堪愛小閣茶香斜日半簾陰淺綠羅
襪初製向七條弦外悟到琴心聽風移樹杪翠濤颯颯飛下
天聲長陵雙姊妹看臨流結束羅帶綃襟窈窕雲泉只恐
是題紅棲碧一掬閒情石闌同倚應不歎難遇知音緣何事
高鬟微側在無言處卻又沈吟

朝中措

辭壽井

一泓舊井胥燕支并畔莫尋詩便令詩題蜀紙風光細膩誰
知 埽睂人去有如粦落悵望空枝何況枇杷門巷翠陰也
異當時

風入松

不施脂粉澹妝梳病起弱難扶睂邊秀色須餐飽怪鐙痕尙
帶模黏羸得出門相送玉鉤印上春蕪 風塵淪落最憐渠
盼斷數行書隔粦惆悵人難見柰而今粦影都無料得曉鶯
飛處淒涼夜月唳烏

荔支香

爲汪均之題唐荔圖

天上粦冠人閒羅韞昔年恨事茫茫海山風露一樹側生香
試問綃衣仙子傷心曲記否霓裳前朝寺團蒲許借小坐話

滄桑 紅塵飛騎到西宮
南內幾箇同嘗想玉魚含罷碧唾
微涼惆悵棠梨佛閣淋鈴雨
易近昏黃春墳畔殘碑三尺芳
艸斷人腸

春閒過馬嵬舊傳佛堂梨粦一株
爲貴妃畢命之所今已不復見矣

渡江雲

爲屠琴鳴太守題就竹亭圖

半亭斜日影蕭蕭
瑟瑟一派畫蒼寒翠煙遮不斷
結箇團瓢合署小檀欒

小檀欒室亦太守齋名

叢書兩版記當年多少清歡移短

榻綠陰深處詩夢得平安
無端塵土京華憶瘦石幽粦舊
時庭院春泥輓筇鞭行速知近闌
干拂檐千个青鸞尾叩闥
扉知借誰看歸來好憑君寄語琅玕

買陂塘

題琴鳴太守邪谿漁隱圖

冷谿光染成今古迢迢只度漁唱山蒼雲白沙明瑟拜了鱸
鄉亭長潮欲上正一篷風疏悄入蘆花響夕陽西向看菰米
初收船脣敲火又有萁煙颺 眞州路郭外桑麻無恙竹車
都愛春紡君宰儀徵令邑之婦女紡木棉爲布 膏纏騎鶴知無分要覓釣絲千
丈新水漲說夢到滙邊垂柳波搖漾桐廬雁宕約老去天隨
筆牀茶具結伴橫烏榜

高陽臺

題均之填詞圖

露井桐高風廊竹亞數行低寫烏闌吹來海南香氣合是梅
檀悠悠多少閒歌管向旗亭慣誤雙鬟拂冰弦二十三絲煙
外輕彈 前身共坐青蓮上怎相逢一笑又在人寰旣墮紅
塵可應綺語全刪桃萼悟了空潭影結同心蕉萃枯蘭證情

禪夜雨秋燈話到更殘

風入松

陳石士太史屬題墨描萱萼小幅

後堂簾幕畫愔愔惆悵百年心何人畫出西風影向天涯夢裏追尋記否宜男私祝佩囊小綴羅襟 尊前魯酒與重斟華髮不勝簪世閒那有忘憂事者幽懷誰是知音珍重秋萼一朵句描澹墨如金

清平樂

折萼在手試問萼知否萼到遲開方耐久須與春寒相守畫簾日日低垂綠何不展雙眉瘦了綠窗鸚鵡爲伊和淚題碑

沁園春

咏風門偕劉芙初太史作

行過斜廊折竹蕭蕭低遮畫檐看方楞宛在移將苔榻疏櫺
依舊卷卻筠簾繭紙新黏銅銀暗鍵爲有霜風分外鐵空明
處只隔重雲母窺見涼蟾 中庭悄覺寒嚴便雖設長關總
不嫌似朱扉半截油粳略染珧窗一扇鐵葉微添門扇展動
處以鐵爲
之京師謂
之鐵荷葉香噴頻留燈明更徹小雪誰知又撒鹽無人叩喜
叢書其際快讀細繅

四字令

咏金冬心蕉葉研爲戴竹友農部賦

香融玉泉粦寒石田碧窗低颺茶煙稱庵名綠天 春風句
填冬心字鐫喻麋一笏輕研寫琅玕翠牋

滿庭芳

咏唐萼爲趙樹三比部作

竹閣欺霜梅茵點雪是誰暗返香魂琉璃窗戶呵暝一重雲
自製泥金小牒瑤臺使預倩氤氲垂羅幕仙帟襞皺莫令著
風痕不用頻催羯鼓只新紅初試要借鑑熏忱玉衣珠襖
天寶宮人圍住名萼作國瑯嬛洞別有陽春應惟是幽蘭空
谷不可藉餘溫

揚州慢

隔院聞歌聲同蔡浣霞儀部賦

呵凍鈔書撥灰覓句者般客況無聊聽鄰家讀曲又暗逗梅
梢怪如此清寒羅幕有一絲蘭氣吹入紅簫拍低低檀板玉
人知是誰教閒階小立隔銀牆更比天高記柳影斜門梨
萼別院特地相邀滅了杜郎愁鬢江南怨重唱瀟瀟儘思量

前夢銷魂只有今宵

高陽臺

篋中檢得山水小幅疏林古驛遠水斜帆彷彿淮浦
道中風景題有幾樹夕陽投驛騎一帆秋水渡江人
之句蓋癸酉歲竹畦所作也感賦此解以寄竹畦

早雁書空微霜染葉天涯艸艸孤征回首家山亂峰無數縱
橫津亭不打迴帆鼓挂林梢斜日銅鉦聽風前幽咽寒蟬總
帶離聲扁舟不省愁來路向迢迢遠水慣躋行程隻候煙
中蒼茫暝色初生荒榛怨斷黃樓遠有秋宵戍角淒清問何
如畫舫青尊人醉江城

琵琶仙

邵蘭風文學屬題秦良玉小象

翠幘朱鞞圖中認英氣
睂邊猶在爲想珠帳牙旂
秋風動笳吹麾白桿精兵
數萬更圍擁紅妝幾隊巫
峽雲深夔門路險
高築營寨直教那黃虎魂
驚只攜帶人看將臺拜
蠻洞調兵例以
一帚一箸帶取掃蕩之意
箸取善飯謂須精卒至也
驄馬桃花香婉走長虹如
帶誰失勢竹坪篁嶺使賊
奴敢覬峒砦一片爲國丹
心溼衣鉛水

一萼紅

丁丑人日董琴南太史招飲席上賦此

記年時向錦江天遠頻寄
艸堂詩畫鼓春城梅萼古
驛重來京國樓遲且賸卻
辛盤俊味看斜簪采勝照
春池香涸筠櫳雪消苔徑
瘦鶴先知數點紅椒初綻
想天涯芳訊盼到南枝小
閣烘晴高樓映水儘容玉
筵橫吹倚多少風流裙屐
染煙痕鬢影綠絲絲快意
黃金買醉莫鑄相思

買陂塘

題東越飽帆圖送浣霞太守之閩

悵離筵川途渺渺更番聽過津鼓低飛新雁斜雲裏也趁檣
烏東去江上路看臨水樓臺何處無煙雨一枝柔艣向釣客
磯頭桐君廬畔帆影翦蒼樹經行處載取筆牀茶具依然
瀟灑如許幔亭仙客相遲久石壁須君題句秋未算正蘭阪
香飄一鶴隨人步相思別浦說荔子垂紅椰瓢泛碧莫忘舊
漚鷺

高陽臺

秦敦夫年丈屬題冒巢民姬人金曉珠畫鴛粟萼小

冊

製罷琴囊拋餘鈿粟口脂潤到篆端闌取嬌枝婉婉春色將

闌卷簾人立東風裏怪雛鷺飛近闌干漫疑他香稻收時嬰
武衛殘 雉皋細艸茸茸碧柰亭園水繪都付荒寒畱得無
多賸粉素米人看蜜脾冷漬薔薇露配一匙滑玉正好加餐
見巢民董
姬小傳 最銷凝曉露如珠紅暈初乾

賀新涼

題築室松下脫帽看詩圖

野色分煙靄望遙天九峰浮碧淺於螺黛門巷荒寒曾夢到
不是青谿相對看綠翦松毛如蝟結箇團焦秋影底比僧房
一把香茅蓋橫短榻枕書睡 新詩怕被旁人愛向窗前磨
煤蘭尾幾番參改巾角裏頭渾忘卻詎作狂奴故態便老樹
都霑吟翠近橐而今添幾寸想行閒謾謾情風在圖畫裏響
幽籟

臺城路

題陸萊莊西湖詩夢圖

生綃不翦吳淞水難忘武林鴻爪單舸尋秋袷衣兌酒三五
翩翩年少湖心亭小看低映涼傘斜飛沙鳥極目憑闌不知
興廢有錢趙南屏晚鐘吹到游人都散盡分外幽悄月涌
銀灤山浮玉塢著箇詩仙縹緲黃塵撲帽問何似西泠四圍
煙艸扇障元規白漚應冷笑

國香慢

題楊子萱扇上秋江照影圖

鴛墮銀釭記夫容寫影曾住秋江紅衣爲誰蕉萃昨夜微霜
惆悵鴛鴦獨宿卻羨那漚鳥成雙天涯倦回首早被秋眸割
斷柔腸尺書何日到想蠻牋小幅粉淚成行秦箏待譜幽

恨只度清商爲畫生綃團扇懷人意偏在新涼西風解吹夢
一片斜帆煙水茫茫

高陽臺

題萊莊女蘿秋感圖

柳色縑青苔痕翦碧畫簾卷上秋陰一味嫩涼如水小坐支
琴流泉聲裏么弦絕冒飛塵翠幕悵悵背銀鐙擁髻無聊同
話傷心綠蘿依舊澄江館恁西風吹淚徧染羅襟半臂香
銷可憐今夜寒侵汀洲蕭瑟吹蘆絮有孤鴻愁聽霜砧盼吳
松羅襪凌波夢入秋衾

甘州

送朱芸塘同年之官甘肅

都門風雪駐行裝珍重勸離觴正桑乾木落寒聲蕭瑟總帶

清商躍馬滹沱冰渡關塞接天長一片秦時月夜色蒼蒼
莫悵宦游萬里便穹廬沙磧都是歡場有琵琶羌女粵裏映
蠻妝且沈醉蒲桃十斛聽邊人百隊唱伊涼長安近好追漢
吏績紀循良

憶舊游

題章芝眉孝廉冷泉月話圖

正寒蘿抱石古木棲雲暝色遙峰煙樹溟濛裏看橫飛雪練
粉碎虛空吹上一丸孤月影落亂流中記叩竹曾攜團蒲許
借衲子重逢 幽亭小於笠恰半貯泉聲半貯松風欲說無
生話又驚回鶴夢打起疏鐘如此光明世界何換輓塵紅問
何日還山蕭然鉶盜從誌公

玉漏遲

癸未七夕微雨同人坐雲心山館鄒君蓮舫未娶詞
以調之

四圍雲影帖星河一道遮將周匝竹閣新涼睡起欲拋羅簾
煙暝檐前雙鵲輕墮下梧桐蠹葉微雨溼似熒熒數點淚痕
棲睫 聘錢價賁黃姑柰良期阻滯阮囊羞澀嬾卷珠簾蛛
網低垂犀押應念穿鍼人獨正琴下銅鋪未闔尋繡篋翠縷
暗縈纖甲

鵲踏枝

伯夔以田家詞見示情真事近絕似范石湖詩余廣
其意得十二闕

昨夜春聲喧爆竹鬱壘門邊紅紙書斜幅臘味登盤嘗已足
檐前更挂風豬肉 采絹黏鐙新簇簇簫鼓喧天國泰民安

樂后土祠中雙筴卜今年贏特生肥犢

乍暝乍寒難禁架酒壓茅柴風味甘如蔗搖曳一帘粼影外
提壺便有人來買 暮雨瀟瀟潛入夜埽墓歸遲油繖從誰
借廟令掠錢青櫟社農夫蓑笠團團拜

水漫平田何用屣灑灑谿流醖若桃粦醋脫卻木棉麤布袴
淋灰浣後如紈素 瘦策寬鞵來散步笑看兒童手捉風中
絮不是邨農無世慮朱陳早得完婚娶

竹柵闌門剛半畝只哺黃雞不畜鵲鷄鬪霉雨打窗疏點逗
薔薇零落蒼苔厚 初著單衣雙卷裏浴佛盆池來試灑粦
手瀹蘭風香絲絡就嫩湯更煮青蠶豆

解駁晴光新雨止匝地槐陰艸閣涼於水袍笏且圖鍾進士
從來嚇鬼須聲勢 莫道田家稀識字一帙農書展誦如經

史石首櫻桃初上市買來先餽邨夫子

小麥收來量十斛吉日逢庚造醬宜三伏不怕驕陽當午酷
北風窗戶眠常熟晚倚荷筇初罷浴坐看涼螢閃閃明溪
竹豹腳最能飛食肉幸虧簷下多蝙蝠

河漢橫斜涼露重屋角牽牛點滴筇梢動巧到天孫無處用
一宵艸艸將郎送秋至瓜茄猶被壘會近孟蘭畱作僧尼
供昨夜孤魂曾入夢鄉愚不獨人愚弄

露溼芭屨煙拍袂曲折溝渠流出涓涓水紅稻梢頭垂短穗
稗筇結子先搖擺天上月兒如餅大不信中間有箇嫦娥
在樹影婆娑終不改無端喚作蟾宮桂

瞥見黃雲飛隴首秋稼登場堆積如山阜折得茱萸香在手
登高只要柴門口遠近邨春聞杵臼碓粉如霜爭把湯團

瘦杞菊能添翁媼壽陶餅另釀延齡酒

動地濤聲林木外卷去檐茅老屋宜重葢聞道鵲巢知太歲
竹扉開處依方位小圃十弓勤灌溉市得吳鹽巨甕醃寒
菜幾簇籬根霜未敗渾如雪裏芭蕉矮

落葉隨風吹滿地閒煞烏犍日向桑根繫未到夕陽門早閉
打門不怕催租吏甌石可爲終歲計篝火中宵子婦都懽
喜笑據竈觚來說起前邨看得酬神戲

窗紙棱棱風刮破低低同雲雪片驚毛墮畱得半盆煨芋火
大家烘手團欒坐屋外梅萼開幾朵不解尋詩只遣驢推
磨堪笑幽人能忍餓籠鞭側帽銚橋過

高陽臺

偕黃霽青太守夏詞仲孝廉譚及滇南某翰林事各

誌一闕

閨苑遲歸旗亭早散相逢人在天橋細馬輕衫堪憐一搦纖
香玉堂不作笙歌夢聽鶯聞清漏迢迢問何時繡被篝香共
度良宵 藥鑪煙裏昏沈睡把黃金鑄淚溼透冰綃渴病難
醫空教抵死相邀南雲翦紙招魂葬怕吟魂先爲春銷懺情
根種出夫容莫種櫻桃

行香子

寫懷

擬傷家山流水迴環築得箇茅屋三閒櫻皮亭子杉木闌干
更種些梅種些竹種些蘭 終日身閒門設常關與他人無
往無還弟兄歡聚兒女團樂儘把書看把詩詠把琴彈

翠樓吟

劉芙初編修邀同人作銷寒雅集咏殘菊

紅退闌干青銷羅幕峭風前夜吹白香心渾未減記重九纔
經過得者番蕭瑟倚半角疏籬一竿瘦石還堪摘幽人蕉萃
橫簪鬢側待折供向軍持便孤客無聊也成愁絕霜華能
禁耐問可似舊時標格空林葉蛻畫慘綠寒煙荒黃斜日曾
相識秋江渺渺夫容木末

喝火令

題王南垞孝廉風雪思子圖

花乳清霜翦珠胎影吹殘年風雪上吟髭幽句傷心賦到
杏殤詩明慧能言日伶俜學步時哀師嬌美稱家兒記得
兩丸丫角繫紅絲記得簾前抱立手挽玉梅枝

珍珠簾

雪影

輕陰儘醖閒庭院織簾絲剛值斜風初定香冷博山鑪只餘
灰猶賸認取白描高格畫倩閣住紙窗幽暝相映映几上清
琴臺邊玉鏡經他慘入溟濛便幽閒老鶴也迷苔徑錯道
是梨雲訝幾分寒凝除卻羅浮無好夢擁絮被何人喚醒夜
靜便孤月飛來讓他淒冷

玲瓏玉

雪聲

靜掩銅環怪幽籟分外蕭蕭閒零落盡瓦棱幾片輕敲不在
天風高處在敲斜疏竹清脆寒蕉飄搖休疑他松卷翠濤
何事悠揚短筵與了東寒漏併做今宵羅韞生塵最堪憐環
佩人遙縱傳來南枝消息便知是玉梅香圻未抵魂銷只低

和唱新詩驢背灞橋

賀新涼

游仙

海色搖空綠早安排陽阿睇髮扶桑濯足弱水茫茫三萬里
中有閒愁千斛不如種桃萼滿谷身在紅雲深處住把丹光
自照山頭屋人世望耿如燭鞭鸞笞鳳相追逐問星官天
門入直幾時休呼吸未能通帝座直算頑仙有福任占得
陽明句曲嬾與穀城黃石伍一編書挂向班麟角恐當做陰
符讀

前調

感西青散記所載綃山女子賀雙卿事

惆悵西青記與當年才人厮養飄零一例天使蛾眉成絕代

不信安排無計忍視等郵姑竈婢石爲浣衣亭餉黍任無愁
少婦銷羅綺香劫在幾時已雄蜂雌蜺渾閒事最難忘隨
雅舊曲名零失意翠繞苾蘿山下路曾見夷光椎髻說一搽
多情憐婿不怨天桃成錯嫁算今生命短東風裏研脂粉寫
幽淚

虞美人

紋紗不卷秋痕薄金井鳴姑惡琴心原在碧梧桐譜出清商
颯颯是西風乍回涼夢鏡零白夢也無從覓屨痕沒了翠
成堆又隔一層落葉一層苔

湘春夜月

丙子七夕

卷簾遲風光約略年時只是兩鬢愁生不耐晚涼吹收拾盃

盤艸艸便上筵
鸞影都帶參差恨
二分眉月寄鍼人
杳獨自尋詩
迢迢河漢隔
悔聘錢十萬
買了相思
鈿擘釵分算
惟有南飛鳥
鵲別恨
先知牽牛開後
料青綰不翦
雙枝頻敲枕
難成幽夢
聽蟲孃瓜架
絡盡秋絲

齊天樂

自述

十年奔走長安道
全家但營一飽
駿馬驕嘶
蹇驢避立
諸事讓他年少
才華正妙
看水利成
書平戎起
橐曳履
星辰功名爭羨
致身早
青衫多少
塵土更驚沙撲面
頭似蓬葆
路鬼揶揄
醉人推罵
無語相看
一笑最縈懷
抱只九隴
誅茅五湖
浮櫂綠樹
鶻聲不如歸
去好

買陂塘

記事

怪恩恩家山咫尺歸程竟被風阻無情惡浪頭俱白底事天
吳又怒橋畔路恁炫服新妝妒婦津難渡月滿驚也化作
冤禽來填恨海幽怨向誰訴 身世事轉眼都如電露須知
修短有數金釵得葬蓮鰥國便勝一坏黃土天色莫想翠羽
明璫小試淩波步誰歌楚些約他日巫娥神弦理曲莫忘水
仙譜

沁園春

題蔣再山少府閉門種菜圖

三徑全荒盍亦歸哉貧能久安想生涯冷澹曾爲隱吏頭銜
落拓雅稱園官抱甕分澆拾篲自翦春韭秋菰任意餐須知
是英雄本色不比儒酸 門前舊井都督記菜圃鉏來十畝

寬帳瓜畦蕪沒黃銷蜨粉竹籬破壞赤露雞冠世味豬肝光
陰羊胛大好先生苜蓿盤和根煮全家飽喫無限清歡

少年游

張氏廢園

西園飛蓋東山對奕往事似搏沙慘綠闌敲油紅窗壞燕子
已無家 兒童來作拋壻戲拾得鳳皇釵骨瘦細桃香銷綺
杏春在野棠鸞

瑣窗寒

霽靑太守以銷寒詩社圖屬題用卷中頻伽詞調賦
此卽送之官粵東

雪影搖鐙風聲卷幔醺寒冰酒朋簪小聚促坐書巢如斗其
圍鑪撥灰覓句任嘲山字吟肩瘦算年年舊例香溫茶熟些

時消受 曾有新詞鏤悵領袖騷壇不逢黃九

丙子冬余與
英初琴南諸

君作銷寒詩會時
太守已出都矣

今番汝社鎮擬尖叉同闢更須圖疏樹斷

泉又添片雲傳妙手

圖爲朱野雲所作今太守
同里謝石雲亦工畫故云

崇嶺梅玉琢

相思待君開笑口

揚州慢

題潘冰蟾女史蘭閨讀畫圖

三尺筠簾一規菱鏡蕭然林下風清任調鉛吮墨做不櫛書

生且靜把畫禪參透迂倪緩范小字題評看香熏辟蠹煙絲

低裊羅屏 師門回首記當年絳帳傳經羨采翦青繒書鐫

紫石夙世聰明

女史爲明齋師長女垂髫
時卽工書畫蓋天授也

重見嬋娟玉潤便

梅萼也解傷心料雲帆沙鳥而今愁寫蕪城

鷓鴣天

爲冰蟾女史題美人畫幅一調羹一試茶一譜奕一
彈琴凡四闕

鼎刻蟠螭水火爭幾人湯聖得傳名只應杜老銀絲鱸堪配
坡仙玉糝羹 炊紫茜飯香杭寒酸那辦五侯鯖江南鰕菜
閒風味卻憶船孃素手烹

輕暖輕寒穀雨天一旗初展茗芽煎冰甌乍泛鸞閒露瓦銚
剛生竹外煙 浮蟹眼碾龍團萬松風裏小游仙青蓮舌下
華池水合占人閒第一泉

曲彙斜廊蔭綠槐疏簾清簟費安排微參奕旨閒經濟淨埽
楸枰小劫灰 頻斂手久低眉棲棲方罫陣雲開狸奴局上
休翻卻保管金釵賭勝回

一縷微熏艾納香平鋪錦薦淨琴張不愁雨後朱絲緩但恐

春初玉筍涼 移徵羽譜宮商哀箏怨瑟滿三湘何如西北
浮雲外樓上人彈陌上桑

買陂塘

題喬鷺洲茂才宜園讀書圖照

向長安涼棚結夏松篁吹徧幽粉故家喬木橫圖裏恍見思
歸小引滄海近正水氣陰陰漸徧書衣潤生平有恨只萬卷
丹黃十年鐙火尙有未完本 從今後中祕須教讀盡功名
莫歎無分兔園冊底尋生活多少諸公袞袞拚瘦損總不悔
鐫中煮字飢難忍百城坐隱看夜祭長恩曉餐豚望帳墨又
盈寸

齊天樂

余曾購得舊石印一枚旁鐫七律一首詞甚幽雅書

亦精妙蓋名筆也因括其意爲詞

高人不可居城市結廬迥非塵境綠樹仙家白雲僧舍差與
幽棲相近柴門寂靜少入耳喧囂春蛙秋蚓只有流泉潺潺
石上滿清聽次山身縱未顯想閉關著述便勝臺省退谷
來游杯湖任汎何事名心未盡故園堪隱說松桂成林已添
舊影動我鄉思聲聲聞夜磬原詩云去城二十五里近天遣
隔盡俗子塵春蛙秋蚓不到耳
夏涼冬暖總宜人巖中清磬僧起定洞口綠樹
仙家春惜哉次山世未顯不得雄文鑒翠珉

喝火令

施芝年屬題妙蓮小影

綠綺傳三疊黃紉鬪六銖閒繙貝葉幾行書澹澹眉痕學畫
淺文殊水月能圓否空鸞得果無迦陵消息近何如只恐
牟尼暗招又乘除只恐牟尼暗招清淚滴成珠

金縷曲

題楊孝女遺照

孝女昆陵人賣割絨粵養母守志不嫁余從琉璃廠畫肆中市得之題有

吾鄉施雪帆七古一首備見顧未因賦此闕求世之工詩詞者共詠歌之

爲有烏私在何教隨秦臺伴侶吹簫驚背比似木蘭當戶織
幾縷唾絨窗外還勝是隋宮翦采粵簇錦窠饒活色一枝枝
贏得嬋娟愛從賣與鬢邊戴羅囊詎要宜男佩祝高堂桑
榆晚景朱顏休改簾幕西風吹短燭灑上一襟紅淚看松柏
蕭蕭寒翠負土山頭封馬鬣比冤禽木石填東海須黃絹製

碑誄

拜石山房詞鈔卷四

無錫顧翰萊塘著

仁和許增邁孫栞

南鄉子

調兩幼女

襦袴錦班闌左右牽衣不可閒
小手折萼偷照鏡彎彎菱角
教人作兩鬟聽說念家山
笑問家鄉可便還卻似嬰哥初
翦舌關關也學參軍語帶蠻

高陽臺

寄蘭厓弟於吳門

短簿荒祠長洲茂苑中
宵煙夢迢迢倦旅天涯十年不到桐
橋淺斟低唱知多少
念伊人獨自吹簫恨蘇臺春艸生時猶

映青袍 袖中檢點新詩本想近來行卷已似牛膏咫尺家
山誰知負米偏勞高堂白髮身還健柰長安客鬢蕭騷問何
時抵足吳船聽雨瀟瀟

鵲踏枝

丁亥寒食

簾外春陰天似墨人在天涯十載逢寒食細雨連朝風側側
杏萼只是無消息 欲上高樓無氣力倦倚羅屏畫裏看山
色一縷癡情忘不得夢中飛入烏衣國

大江東去

贈鄒伯勛千戶

論兵慷慨還能記年少場中結客艸淺平原盤硬馬手挽雕
弓霹靂耳後生風鼻尖出火渴飲黃虜血封侯萬里立功須

向沙磧 是何髀肉漸生壯懷頓減傷朱門冷炙顧汝雄姿
猶颯爽未有鬚髯如戟瀚海飛書邊城畫角嘯響刀頭鐵拂
衣起舞驚禽繞樹磔磔

滿江紅

游龍泉寺

佛日光中何處聚篆煙成塔寺門外白雲遮斷綠陰周匝入
德水甘清可飲三摩地迴平堪蹋聽四圍殿角颭風鈴聲相
奮長被冷如禪榻征衫破如僧衲便橫陳帳裏也同嚼蠟
浮世真無行樂處空王賴有安心法羨杏萼先受戒香熏軍
持插

玲瓏玉

和陳石士宮詹早起喜雪原韵

碎翦冰綃向空外飛作瑤瓊田萬頃宛然玉有根芽紙開
清如僧院笑併無木佛燒比丹霞些些恁晶鹽賺得羊車

我縱吟肩高聳媿袁生僵臥風骨堪誇

宮詹詞中有袁安高臥之句蓋指余而言

寒近南枝問梅緘先坼誰家尋詩惟宜驢背應不羨驕嘶陌
上白鼻名駒卻疑是對松壺重展畫叉

宮詹有松壺看雪圖曾屬題句

貂裘換酒

賀族叔晴芬少司農 恩賜紫禁城騎馬

小雪輕陰作正庭前梅枝香逗先開幾朵白鶴忽銜丹詔至
溼帶九天珠唾賜寶馬耆臣穩坐去踏一條龍尾道五雲中
樓閣捎鞭過聽禁漏共鳴和 趨曹畫諾多僚佐論官階而
今已是起居八座曳履猶聞聲橐橐未許爭馳玉馱想劒佩
衝寒無那須到杏萼春意鬧悟先生福分由來大金甌卜預

堪賀

木蘭萼慢

津門官舍晤表姊楊蕊淵夫人暨表姪女佩珍女士
爲賦此闕

都門誰祖道回古汴過丁沽看書卷蕭疏衣裝儉薄雅稱單
車暫借槐廳銷夏有綠陰可愛卽吾廬何況登梓俊味令人
不歎無魚崔盧情誼未生疏客氣儘刪除羨風流仙眷楊
家妹子姪又從姑快覩玉臺新咏便江山勝對六朝餘但惜
黃塵席帽依然離別須臾

鵲踏枝

以竹畦畫山水幅貽蕊淵屬題其上

石插江中青幾片綠樹沈沈氣候陰晴變艸閣拓開窗四面

坐看水色明如練 漚鳥忘機長不見飛去飛來只有銜泥
燕斜日闌干簾半卷梅風何處侵紈扇

高陽臺

蕊淵屬題琴清閣圖照

偶仿迴文頻鈔韵本蠹魚閒笑書癡嬾埽眉痕可停班管雙
枝芭蕉只合晴天種柰秋來小雨淅淅幸溪背煮藥香多強
自支持 綠塵鎮日棲羅薦怪七條寒玉又挂蟲絲流水無
聲悵悵琴德誰知嫩涼正好拋團扇剔釭琴細琢新詞看窗
前鵲鏡光清似月圓時

南樓令

題佩珍女士山水冊六闕

春色渺無邊潮荒種蛤田而今誰似石湖仙只有漁家人最

樂楊柳岸起炊煙 客路儘堪憐
風塵悔著鞭不知歸去在
何年買箇江南平底艇閒伴那白漚眠

遠岫擁危屏煙螺分外青
蕭疏古木似支硎近日山家添白
葢新縛箇小茅亭 幽絕少人經
斜陽照眼明秋光俯映水
空靈若比杯湖誰可汎須寫著道州銘

宿雨溼茅檐微風颺酒帘似嫌山翠太嶢巖
一片白雲橫截住剛露出數峰尖
衣到晚來添芒屨艸色黏高松歷歷盡
蒼髯怪有清光遮不斷新月上兩頭纖

山下記經行山椒勢漸平
煙中襍樹不知名南北兩垞閒過
往支一木小橋橫 谿畔雨初晴
芹芽傷水生艸堂纔構兩
三楹節候早知春社近梁上燕賀巢集成

流水日潺湲分明小輞川
秋林併少古藤纏正值人家收栗

後餘翠蘭樹梢圓 木榻坐來窅如參白足禪柴扉兩版屋
三椽不用長竿驅鳥雀只聽得數聲蟬

空翠溼衣襟煙嵐起夕陰誰敲銅椀學龍吟謾謾圓濤天半
落還認作海潮音 堪愛入山深全無俗慮侵烏皮短几坐
橫琴漫撫朱弦彈一曲驚飛了竹間禽

賀新涼

華生心悟以令祖吉厓丈蒼茫獨立圖屬題

妙墨高懷寄看蕭疏雲林畫本杜陵詩意藜杖幅巾人獨立
直恁冷清清地有遠雁一繩飛起帶著暝雅三四點似凝神
落筆蒼茫際將咫尺論萬里 能添老樹顛厓裏想當年抱
來膝上掀髯而喜今日范喬知奉研手澤所存無幾縱大米
還生小米藝苑儘多名父子說祖風難得孫能繼將此幅慎

藏弃

漁家傲

己丑仲夏將出津門至保陽蕊淵諗予曰是有澱湖
可沂而往也乃買小舸坐臥其中凡五日夜始達而
其閒可網而漁可耒而田終年稻蟹不絀居民之託
業者甚眾至若沙水之明瑟林木之蒼秀泳鱗翔羽
咸來親人雖吾鄉具區笠澤之勝亦不是過獨惜無
畸人放士如天隨甫里者作詩張之乃因水窗無事
譜漁家傲十闕以遺榜人

邨舍溟濛煙水裏遠看綠樹多於薺舉網只求先得鯉鱗鬣
細盈筐白雪輕刀鱗儻許浮家如甫里目前不用商歸計
以斗量魚堪換米炊香起飯簪挂在蜻蛉尾

到處煙波稱釣客鑑湖底事須陳乞好向白漚分片席從今
夕盟言寫上青蘆葉 卅載征衫塵土積不如此地尋蓑笠
買箇釣船長八尺堪浮楫短枻何必松陵驛

四面清波圍匝匝田家也有宣防法引入谿流如放闌秧針
插翻翻龍骨何須踢 境僻不嫌入襍還開門儘把潮光納
一架薔薇萼欲壓餘香啞曲闌多少呼名鼻

氣候清和猶未熱楊萼吹過河魴雪新水滿陂魚子活誰還
說世閒名士多於鮓 酒戶評量如我窄臘醅何用紅泥圻
貰得邨醪三四合紗巾漈也同人面天然白

架箇罾牀危欲墮沙邊尙有餘萼安曲港灣環船換柁蓬窗
過蒲梢出水長於我 飯罷雕弧無事坐波光綠淨知難唾
風味最憐鰕女可微微火水晶人換紅羅裹

已覺前山純浸黛，菰蘆又見交生翠。我叩兩舷歌小海，歌聲
脆也防驚起魚龍睡。淺淺船舻低壓水，不愁鷁首因風退。
波底夕陽光瑣碎，雙橈快試看搖上金雅背。

黥黥重陰雲四布，忽然當天將暮急。雨灑空如萬弩狂，鷗
助雷公定要黃蛇捕。我恨漏天無石補，回頭不見來時路。
三尺浪高青艸渡，蛙聲怒排分答臘都曇部。

矴石忽移真可愕，誰知送向沙洲泊。四野水雲天漠漠，舟如
屋分明寒士蘆中宿。漫說輕綃圍夜玉，篝鐙便算光明燭。
窗外似栽千个竹，聲蕭簌一宵涼夢和煙綠。

節近端陽天氣好，紅榴屋角都開了。邨女插髻臨水照風鬟，
裊波光搖動釵符小。選箇樹陰纔樣擢蓬窗，書本兒童笑
說與先生渾不曉。波神廟聲聲簫鼓風吹到。

照眼波光書字細眼前好景吾能記蓮葉田田三百里風吹
遞冷香已沁詩人肺茶竈筆牀堪料理只無一事忤人意
玉鏡光中成獨倚思量起柁樓少個雙丫髻

減字木蘭粦

曉發清風鎮

安眠一霎車卒趁涼催曉發丹乍趨西雞在鄰家樹上唳
兩三人坐當做野航何不可艸露微光認是蒹葭葉上霜
四更三點戍鼓劇於聞漏箭去便恩恩豈有琵琶曲未終
秀支劬禿鈴語居然宮與角忽換商聲又似新翻樂府成
荒沙自白楊葉亂搖聲瑟瑟羊角風旋殺懸真疑飛上天
涼螢幾箇艸際星星如鬼火石臥麒麟照見前朝卿相墳
前途幾里驛路有牌須暗記看不分明月挂松梢黯黯昏

夜行不禁古戍烽煙知久靖壁畫弓刀戰壘雖平隻堠高

望江南

主講平皋寓齋岑寂因念故鄉風景綴爲小詞以遣
長夏

吾鄉好寄暢好園林萬箇幽篁黯石畔千章喬木畫樓陰流
水女環琴

吾鄉好故里記春申三面碧山詩老社一行錦樹麗人墳
色綠羅裙

吾鄉好帆影落尊前曲水抱城羅帶緩浮圖隔樹筆鋒尖詩
思坐來添

吾鄉好忙殺冶游人陌上雕鞍嘶驥裏山頭高冢臥麒麟
柳一般春

吾鄉好最好小兒郎市上看燈紅茜芭街頭騎馬翠簷當
下捉迷藏

吾鄉好不減若耶谿麋眼籬邊茅屋矮餅桃粿外畫橋低微
雨鶉鳩嘯

吾鄉好到處足清幽藤笈負書山寺讀木瓢貯酒水居游黃
葉滿林秋

吾鄉好古殿翠微閒柳栗擔經僧出寺團蒲拜佛客朝山清
梵隔禪關

吾鄉好真觀夜香焚竹殿然鐙祠斗姥松壇設醮禮茅君鸞
尾埽秋雲

吾鄉好庭院露華香芳艸似逢今屈宋名粲如對古姬姜鄰
樹綠窺牆

吾鄉好徙倚小房櫺煙樹樓頭暝鳥露零闌角聽秋蟲開
到雁來紅

吾鄉好結箇海棠巢蠡殼窗兒明似練鰕鬚簾子薄於綃閒
畫雪中蕉

吾鄉好几席點塵無裏裏杭州班竹扇案頭陽羨白沙壺宋
版舊藏書

吾鄉好平地玉爲沙雪水半餅煎茗艸寒雲滿研賦梅雪不
趁酒人家

風入松

題潘紱庭公子睡香琴室填詞圖

忽風忽雨最無端春事又闌珊世閒更有傷春客比春蠶自
把絲纏春水關卿何事爲伊招徧闌干 鏤冰琢月費雕剏

嘔出好心肝蠹魚走上銀藤紙笑粲邊胡蝶成團鐙影照誰
無睡香衾昨夜春寒

百字令

題林東谿少府醉紅山館圖

西風幾日把家山吹澹數峰晴翠兩版斜扉疏樹衰茅屋新
添白葢紫菜調羹紅蚶佐酒記傷楓人醉功名雞肋不知情
味安在似我三徑全荒頭銜如昨鬢髮蒼然改著破青衫
霜葉冷更漬一分秋淚地接龍亢江鄰牛渚便算投金瀨鱸
鄉入夢扁舟何日同載

夏初臨

題趙梅塘田園樂意圖

碧玉谿流綠楊城郭舊游回首都非桑柘陰濃故園風景依

依青鞵布韉閒時候
叩枝到處堪攜
秋鍼繡徧水田漠漠
一片僧衣
江天極目紛紛倦羽
都解南飛
莎弓射鬐柳鞭叱
犢偏我心迹相違
好年光已近斜暉
莫遲回鑑湖乞得單舸
先歸

時梅塘將歸山陰

沁園春

題莊眉叔茂才獨立圖照用自題原韵

塵海茫茫溷迹其閒
云胡不哀
恁忽風忽雨愁眉易鎖
傷春傷別笑口難開
北里笙竽東門鐘鼓
百感都從肺腑來
除非向荒山跨虎
逞爾狂才
重尋皖伯高臺
似枳棘叢中見古梅
歎蟻封寸土詎堪旋馬
麟洲小水僅足容杯
氣熱呵雲酒酣
喝月倒後洪流要挽回
揚帆去語江頭漚鷺
莫便驚猜

鳳皇臺上憶吹簫

如皋冒辟疆以勝國之逸民作騷壇之宗主跌宕文
酒消搖林壑歌僮則楊枝紫雲侍姬則曉珠小宛吹
粍嚼蕊吮墨調鉛播在藝林傳諸畫苑久矣曹玉水
司馬於皖江購得一卷有樓臺粍木之勝末題水繪
園女史蔡含寫意卽辟疆水繪園圖高閣倚煙平臺
貯月鉤心鬪角錯采鏤金因樹爲屋知稱樸巢疊石
成山儼見鶴峙餘若所謂小三吾湘中閣者亦皆歷
歷見焉按 國朝畫徵錄蔡字女羅蘇州吳縣人爲
辟疆側室善畫山水人物尤長於臨摹以知光連參
鼎無有差池巧鬪尹邢不分軒輊蔡亦金董之亞匹
也第蔡爲吳人司馬亦家於吳獨購得之豈人能擇
主畫亦通靈珠玉不患闇投緹錦必爲什襲遇之固

有緣得之亦有數
卯司馬他日言旋
珂里早解蘭纓
鳥嘯短簫之祠
鶯落眞孃之墓
持此以誇示吳儂
以見羅綺中大有
人允足爲湖山生
色也爰識數語并
系以詞

射雉荒皋嘯鵲故國搏沙客散多年料
鶯枝酒琰一例都捐
安得樓臺金粉夕陽影猶挂秋千還重認
名流修禊舊日林泉
堪憐十眉失翠便雙成女伴均已游仙
恁樸巢鶴峙亭榭依然賴有溪閨弱腕鋪
繭紙渲染精妍知不數好嬉倒印映竹窗
前

臨江仙

上巳禊憶

憶昔故園過上巳
髫齡未解相思桃
鶯掩冉過牆枝十
三嬌

女戲覆額有青絲 盼到斜陽纔下學頗嫌春日遲遲一編
風雅誦毛詩不知溱與洧記取采蘭時

憶昔故鄉過上巳蓉湖春水初生水邊多少好園亭垂楊纔
作淺綠已巢鷺 白恰少年三五輩只無雙髻吹笙研螺
試仿麗人行畫闌紅一角堪愛夕陽明

憶昔金陵過上巳白門柳色依依笑他王謝舊烏衣向人茅
屋上來往引雛飛 拂拭窗塵安筆研書聲每度雙扉一枝
紅瘦雨添肥餅桃初吐萼相對便忘飢

憶昔杭州過上巳三年人住西冷自硯繭紙寫蘭亭波光衣
上綠山色酒中青 舞影歌聲都散去六橋煙柳冥冥扁舟
歸去繞南屏一彎眉樣月隔樹影瓏玲

憶昔揚州過上巳有誰修禊紅橋鬢絲禪榻太無聊二分

月底閒品廣陵簫 芳艸渡江隨意綠橫斜不似帶得淚痕
彈上美人蕉碧紗窗裏聽錯認雨瀟瀟
憶昔巴江過上巳春郊蠻榼同攜前幫人隔浣琴谿臨流思
躍馬愁宛錦障泥 縱使枇杷門巷改薛濤箋小堪題漫天
風絮太淒迷陰陰深樹裏不住子規啼

百字令

題蔡小石太史官閣詠寒圖

濠梁當日記輕陰釀雪初交三九炙研松寮堪自嘆十指何
妨出裏乍展苔牋又拈筠管月斂薑芽手吟朋三兩尖叉相
約同鬪 我今身做麤官鐙前琢句依舊山肩瘦怎似玉堂
清夢好入夜冷香吹逗百本梅萼二分明月不羨揚州守銷
寒乞假他年韵事還又

買陂塘

題唐湘帆茂才松陵譜曲圖照

溯流光扁舟笠澤谿山不數林屋青螺合向銀盤貯難得箇
人如玉蟬鬢薄有嵐翠飛來添染秋蛾綠龍吟試學笑慣唱
瀟瀟吳娘暮雨蓬底聽嘗熟 圖中認上有石梁懸瀑豈非
窈窕空谷倩誰喚起天邊月照我船頭吹竹松謾謾恐響遏
行雲驚醒雙棲鶴盟漚廿六待網得西施煙波一櫂相訪鑑
湖曲

齊天樂

咏團扇和錢小南上舍

前身明月成圓相依然一輪光滿簾影如塵簾紋似水未要
荷鵲揩汗煙鬟半顫問撲得流螢幾番嬌喘倚立梧桐夜深

恐有露華染 長門自多淒怨
篋中非棄置 節序偷換宛轉
當曾低徊障面等是北風雲
漢日長人倦便寫首迴文泥
他書款澹墨敲斜不隨秋雁
斷

荷葉杯

閨意

昔日寶釵樓上相傍同把好山看
一雙羅裏倚闌干細雨不知寒
今夜水沈金獸薰透翠被繡鴛鴦
無如迷迭與都梁總是惱人香

浣谿紗

題小石太史乞巧圖

澹澹衣裳薄薄羅一年風景又秋河
枉將心事託雲波天上樓臺殊縹緲
人間歲月易蹉跎南飛烏鵲奈伊何

賀新涼

讀眉叔迦齡詞題贈

試問春深淺好年光逝如流水還如流電蛺蝶飛來尋舊夢
惆悵綠陰一片且莫論肥環瘦燕聞道明妃猶未嫁繡羅衣
又壓誰家綫宜早副六宮選新詞合付紅牙點那教他藥
鑪經卷等閒消遣擬託微波通密意無奈深深庭院要畫向
生綃團扇好令江城諸士女向風前爭識佳人面將韵事盛
傳徧

和作

莊縉度

眉叔

九陌黃塵淺向長安車如流水馬如飛電昨日斜陽今日
雨做盡淚絲鴛片恐誤了鬱金雙燕如此樓臺春世界悵
紅襟只繫佳人綫尋舊夢畫梁選幽篁掩露珠千點伴

深閨一雙翠裏暗愁難遣試問天邊眉樣月去照誰家庭
院且莫咏秋風團扇製就齊紈光皎潔便攜來障得凝酥
面研妙墨好題徧

高陽臺

咏同心蘭和小石太史韵

淺碧簾櫳冷紅池閣涼
粦次第吹開迢遞湘川國
香底事能來天涯舊雨兼新雨
展痕深印破苔階細尋思
人似幽粦粦似幽懷
夕陽無限王孫艸任同根
竝蒂暝翠相偎兩小無嫌
遶牀記弄青梅一般綺障
銷除盡抱芳心好比珠胎
試拈看不傍蓬壺卽傍蓮臺

百字令

小石太史旣敘余詞復賦此調於後獎借逾分媿不

克當因用原韵會謝

漫空飛絮將韶華艸艸暗中吹度淺笑深顰都不是別有傷
心無數湘水招魂楚雲贈夢冷落題紅句口銜石闕幽懷脈
脈難訴 鎮擬射虎藍田鞭鯨碧海披髮翩然去不信人間
窮賈島也有黃金能鑄月貌嬋娟風鬟婀娜何學邯鄲步直
因曲誤反邀青眼相顧

擊梧桐

宋子庭大令賦延秋詞小石和之余亦繼作

日影纔過午人正倦何計銷他殘暑七尺疏簾卷蔭檐隙只
有桐垂細乳蘭芽短短竹枝嫋嫋漫道綠天可補最怪纖雲
起化碧煙散去幾會飛雨 芳艸隄邊夕陽樓角那省來從
何處卻到人心上別恨外另釀一番情緒我獨爲誰延伫斷

垣苔縫聽亂蛩絮語似東牆悲秋宋玉無限淒楚

洞庭春色

姚邗生府倅以雲水光中洗眼來詩意作圖蓋佛家
上乘禪也余以鈍根人下一轉語聊相印證未知於
意云何

可怪天公生人兩眼多帶模黏便爛如巖電未離色障朗如
秋月莫辨元珠袖底淋漓翻墨汁慣寫作江天欲雨圖圖成
後看煙雲明滅疑有疑無 此番見君畫卷覺精神澡雪勝
坐冰壺念水晶眠夢都非實在琉璃世界本屬空虛但願雙
眸常炯炯好讀徧牛毛細字書從今日任心游目想邃古之
初

貂裘換酒

題蔡友石廉訪北峽開晴雪圖

曉日團雲罅望遙天晴光解駁冷光激射平地玉沙深一丈
峽勢尤爭險隘有幾處荒涼驛舍徹夜西風重整過水晶釘
覆上琉璃瓦梅與竹秀而野肩輿穩比雕鞍跨更何論灞
橋策蹇渾沓躍馬紅粉油衫黃絁褶騎從也都閒雅只豔煞
桃粦撥叱僂佻何人前負弩繡弓衣寫入生綃畫知不要望
塵拜

臺城路

題友石廉訪喜雨酣春圖

買來不費中人賦名粦記會親植繡幕低垂闌干淺護認取
數叢深色春風巷陌歎舊事揚州而今休說禪榻茶煙有誰
頂禮藥師佛將離莫教折贈看杯斟婪尾大好畱客翻砌

紅嬌隔簾香潤一片輕陰如墨天然麗質便金帶圍圓未爲
雕飾聽雨聲酣解頤同藕麥

拜石山房詞鈔卷四終